

BOSNA I HERCEGOVINA

БОСНА И ХЕРЦЕГОВИНА



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

*Broj: T20 0 KT 0022068 22*  
*Sarajevo, 17.01.2023. godine*

**SUD BOSNE I HERCEGOVINE**  
**S A R A J E V O**  
*Sudija za prethodno saslušanje*


*Na temelju člana 35. stav 2.tačka i) i člana 226.stav 1. i člana 227. Zakona o kaznenom postupku Bosne i Hercegovine, podižem:*

**OPTUŽNICU**

**PROTIV:**

**Petara Stojanovića,** [REDACTED], rođenog  
2001. godine u Zvorniku,  
državljanina BiH

**Spasoje Stojanovića,** [REDACTED], rođenog  
1988. godine u Zenici,  
državljanina BiH,



**Što su:**

**Petar Stojanović i Spasoje Stojanović -zajedno:**

Dana 04.04.2022. godine oko 18,55 sati, zajedno i po prethodnom dogovoru, na lokalitetu Ekonomija, općina Bratunac, s ciljem sticanja protivpravne imovinske koristi, postupali protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog i organiziranog kriminala („Službeni glasnik Bosne i Hercegovine“, broj: 3/02), tako što su vršili nedozvoljeno prevođenje više stranih državljana - migranata preko državne granice i to preko rijeke Drine sa gumenim čamcem marke „Maestral 11.2“, sa teritorije R Srbije na teritoriju Bosne i Hercegovine, koji čamac su prethodno prvoosumnjičeni i drugoosumnjičeni zajedno dovezli do navedenog lokaliteta Ekonomija sa putničkim motornim vozilom [redacted]

oznaka [redacted] potom ga zajedno izvadili iz prtljažnika tog vozila, napuhali ga i navedeni čamac na kojem je bio montiran motor, spustili u rijeku Drinu, te se u istom prevezli rijekom Drinom do obale na teritoriji R Srbije, gdje se nalazila grupa lica, koju su prethodno uočili na tom lokalitetu, svjesni da se radi o migrantima koji na taj način namjeravaju ilegalno ući na teritoriju Bosne i Hercegovine, te nakon što su se sa čamcem približili obali upitali ih da li žele da predju na drugu stranu rijeke, znajući da se među tim migrantima pored punoljetnih osoba nalaze i maloljetne osobe, a kada su migranti koji su bili afroazijskog porijekla pristali, i to tri punoljetna lica državljani Afganistana, [redacted]

[redacted] jedno punoljetno lice državljanin Irana  
te mlđb [redacted]

[redacted] svi državljani Afganistana, prvoosumnjičeni i drugoosumnjičeni su im omogućili da uđu u navedeni čamac, prevezli ih sa čamcem tom rijekom do obale na teritoriji Bosne i Hercegovine

gdje su navedeni migranti izašli iz tog čamca, svjesni da su im na taj način omogućili nezakonit prelazak državne granice van graničnih mjesta otvorenih za međunarodni promet, izbjegavajući tako mjere granične kontrole, postupajući protivno članu 7. stav 2. Zakona o graničnoj kontroli („Službeni glasnik BiH“, broj 53/09, 54/10 i 47/14), odnosno prvoosumnjičeni i drugoosumnjičeni su na naprijed opisani način nedozvoljeno prevodili lica- migrante preko državne granice, znajući da ta lica- migranti nisu posjedovala važeća dokumenta, putnu ispravu i vizu ili odobrenje za zakonit ulazak na područje Bosne i Hercegovine, odnosno da nisu ispunjavala uvjete za zakonit boravak na području Bosne i Hercegovine, što je propisano članom 8. stav 1. Zakona o strancima („Službeni glasnik BiH“, br. 88/15), te su navedena lica- migranti kao naknadu za ilegalni prelazak državne granice, osumnjičenom Petru Stojanović na njegovo traženje dali iznos od 350,00 Eura, a kojih 7 (sedam) novčanica u apoenima od po 50,00 Eura su pronađene kod istog prilikom vršenja radnje pretresanja od strane policijskih službenika JGP Zvornik, a koji osumnjičeni su na navedenom lokalitetu i u navedenom putničkom motornom vozilu zatečeni od strane ovlaštenih službenih lica Granične policije BiH, JGP Zvornik i lišeni slobode, dok su u blizini vozila ti policijski službenici zatekli i grupu navedenih migranata.

**Dakle**, u namjeri pribavljanja za sebe neke koristi nedozvoljeno preveli više migranata preko državne granice među kojima i maloljetna lica, a koja nisu ispunjavala uvjete za zakonit ulazak i boravak na području Bosne i Hercegovine.

**Čime su osumnjičeni Petar Stojanović i Spasoje Stojanović kao saizvršitelji počinili kazneno djelo Krijumčarenje ljudi iz člana 189. stav 4. u vezi sa stavom 1. Kaznenog zakona Bosne i Hercegovine, a u vezi sa članom 29. istog zakona.**

**TUŽITELJSTVO-TUŽILAŠTVO BiH**  
**Tužitelj**